

## **Autore eta editoreen elkarte profesionalen proiektuetarako diru laguntzen oinarriak**

### **2018ko deialdia**

Deialdi honen guztizko kopurua 150.000 euro da, eta 10.000 euro gehienez (zergak barne) elkarteko edo elkarten federazioko

#### **Lehenengoa: eskatzaileak**

SGAE Fundazioak honako eskaera hauek aztertuko ditu: elkarreek edo elkarten federazioek egindako diru-laguntzen eskaerak, musikaren autore edo editoreak biltzen badituzte, edota horien interes pertsonalak ordezkatzeko badituzte SGAEk lan egiten duen esparruetan (musika, arte eszenikoak eta ikus-entzunezkoak).

Honako baldintza hauek bete behar dituzte proiektuak garatzeko diru-laguntzak eskatzen dituzten elkarreek edo federazioek:

1. Legeari jarraituz egon behar dira erata elkarre edo elkarten federazio gisa, 2017ko urtarrilaren 1aren aurretik.
2. 2018ko martxoan 19aren aurretik gutxienez hamabi hilabeteko jardura izatea, eta hori dokumentuen bidez frogatu ahal izatea.
3. SGAErekin saldo zordunik ez izatea, hala balegokio.

Elkarre edo elkarten federazio batek, deialdi honetan, hainbat proiektuetarako diru-laguntzak jaso ahal ditu, baina emango zaion guztizko zenbatekoa ez da 10.000 euro baino handiagoa izango (zergak barne).

Elkarre edo federazio batek proiektu bat baino gehiago aurkezten badu, eskaerak banaka egin beharko ditu, proiektu bakoitzerako bana.

#### **Bigarrena: proiektuen tipologia**

Deialdi honetan parte hartu ahal dute eskatzaileek bidalitako proiektuek, irizpide hauen lehenengo klausula betetzen badute, eta honako ezaugarri hauek dituzten proiektuak:

1. Deialdi honetan diru-laguntzak jaso ahal dituzten proiektuek honako helburu hauetakoren bat izan behar dute:
  - a. Autoreen eta haien obren promozioa. Kreaio berriaren sustapena
  - b. Sektorearen hobekuntzara bideratuta dauden ikasketen formakuntza eta garapena (profesionalizazioa, kreaio-teknikak, sektorearen estruktura, finantziarioa, politika kulturalak eta abar)
  - c. Gizarte-bazterketa arriskuan dauden autoreentzako edo autoreen kolektiboentzako asistentzia-ekintzak.
2. Deialdi honetako proiektuak 2018ko urtarrilaren 1aren ostean hasitakoak izan behar dira, eta 2019eko martxoaren 31a baino lehen amaitu beharko dira.

Deialdian 150.000 euro emango dira guztira, honela banatuta:

- 70.000 euro musikaren esparruko elkarre edo elkarten federazioentzat.
- 47.000 euro ikus-entzunezkoen esparruko elkarre edo elkarten federazioentzat.

- 33.000 euro arte eszenikoen esparruko elkarte edo elkarten federazioentzat.

Zeharkako izaera duten elkarten edo elkarten federazioen proiektuak badira, horien kopuruak proportzionalki esleituko dira sailen artean.

Proiektuak deskribapen batekin eta ekintzen datekin eta tokiekin aurkeztu beharko dira. Proiektuekin batera bideragarritasuna frogatzen duten dokumentuak aurkeztu beharko dira, eta baita proiektuaren gastuen eta diru-sarreraren aurrekontuaren dokumentuak ere.

#### **Hirugarrena:SGAE Fundazioaren ekarpena**

Elkarte edo elkarten federazio bakoitzari emango zaion guztizko zenbatekoa ez da 10.000 euro baino handiago izango (zergak barne), proiektuei esleitutako zenbatekoen batuketa gisa. Era berean, proiektu batek ezin izango 10.000 euro baino gehiago jaso (zergak barne)

#### **Laugarrena:dokumentazioa**

Eskaerekin batera honako agiri hauek egon beharko dira:

1. Eskaera-inprimakia dagokion moduan beteta telematikaren bidez.
2. Elkartearen edo federazioaren IFKren kopia.
3. Elkarte edo federazioa legalki ordezkatzeko duen pertsonaren IFZren kopia.
4. 3. zenbakian adierazitako pertsonak elkarte edo federazioa legalki ordezkatzeko duela egiaztatzeko ziurtagiriak. Ondore horietarako, honako hauek aurkeztu beharko dira: erakundearen estatutuak, Elkarten Erregistroan kargua karguaren inskripzioaren ebazpena edota ahalorde-eskritura. Kargua indarrean egon behar da.
5. Elkarteak edo federazioak egindako ekintza aipagarrien laburpen txikia.
6. Diru-laguntza eskatu duenaren proiektuaren deskribapena eta kronograma.
7. Gastuen eta diru-sarreraren aurrekontu zehaztua.
8. Beste erakunde batzuen parte-hartzearen ziurtagiria, hala badagokio.
9. Oraingo elkartearen edo federazioaren zuzendariak sinatutako zinpeko deklarazioa, 2018ko martxoan 1ean dauden bazkide aktiboen zenbatekoa zehazten duena
10. Agiri gehigarriak.

#### **Bosgarrena:ebaluazioaren irizpideak**

Jasotako eskaerak ebaluatzeko honako irizpide hauek izango dira kontuan:

- a) Proiektua aurkezten duen elkartearen edo federazioaren inguruko irizpideak.
  1. Ekintzen esparrua: ekintza esparru handiena duten elkarte edo federazioak lehenetsiko dira.
  2. Ordezkarritasuna eta bazkideen zenbatekoa: ordezkarritasun edota bazkideen zenbateko handiena duten elkarte edo federazioak lehenetsiko dira.
  3. Jarduera: jarduera erregularra duten elkarteak edo federazioak lehenetsiko dira.
- b) Proiektuen inguruko irizpideak
  1. Positiboki baloratuko dira SGAE Fundazioaren Plan Zuzentzailearekin bat egiten duten irizpideak, horien artean honako hauek:

- Autoretzaren eta gizartearen arteko harremana ematea.
  - Autorearen eskubideari buruzko pedagogia soziala sustatzea.
  - kulturarako sarbidea sustatzea.
  - Adierazpen artistiko berriak eta diziplina anitzeko proiektuak sustatzea, SGAE Fundazioak lan egiten duen erreperitorioetan.
  - Lankidetzaren beste instituzio eta erakunde batzuekin.
  - Autore emakumeen parte-hartzearen sustapena.
2. Proiektuaren bideragarritasun teknikoak, aurkeztutako aurrekontuen arabera.
  3. Proiektuen onuradunen zenbatekoa: helburu gisa hartzaileen zenbateko handiena duten proiektuak lehenetsiko dira.

Gainera, kontuan hartuko da proiektuak izan dezakeen oihartzun soziokulturala eta eraginkortasuna emandako bitartekoen aplikazioan, hala balegokio, diru-laguntzengatik.

#### **Seigarrena: eskaeren aurkezpena eta epea**

1. Eskabide-orria SGAE Fundazioaren web orrian egongo da eskuragarri: [www.fundacionsgae.org](http://www.fundacionsgae.org). Eskabide-orriaren formatu elektronikoa erabili beharko da, eta eremu guztiak bete beharko dira. SGAE Fundazioak eskabide guztiak jaso izanaren egiaztatzea bidaliko du. Oinarri hauetan eskatutako agiriak aurkeztu ez dituzten eskabideak akatsak zuzentzeko hamabost eguneko gehienezko epea izango dute kasuan kasuko jakinarazpena jasotzen dutenetik.
2. 2018ko deialdi honetarako eskaerak aurkezteko epea martxoan 19an (astelehena) hasiko da eta zabalik egongo da maiatzaren 25ko (ostirala) 24.00ak arte. Epea kanpo jasotako eskaerak ez dira onartuko.

#### **Zazpigarrena: eskabideen prozedura eta ebazpena**

1. Ebaluazio-batzorde bat arduratuko da oinarri hauetan adierazitako baldintzak betetzen dituzten eskaerak aztertzeaz eta ebaluatzeaz.
2. Batzordeak laguntzen esleipenari buruzko erabakia hartuko du, eta interesdun guztiei ebazpen horren berri emango zaie idatziz.
3. Batzordearen ebazpena ezeztatzina izango da.
4. Batzordearen ebazpena aldekoa bada, aurkeztutako agiriak alderdien artean sinatuko den hitzarmeneko atal banaezina izango dira, eta ez dira hitzarmen horrek indarrean dirauen bitartean itzuliko.

#### **Zortzigarrena: elkarlanaren formalizazioa**

SGAE Fundazioak eta onartutako proiektua duen eskatzaileak lankidetzaren hitzarmen berezia sinatuko dute, eta, bertan, ezinbestean agertu beharko dira agiri honetan zehaztutako oinarriak eta ondoren aipatutako dugun informazioa:

1. Alderdi bakoitzaren eskubideak eta betebeharrak.
2. Proiektua hasteko eta amaitzeko epea.
3. Esleitutako laguntzaren zenbatekoa.

4. Ordaintzeko modua.
5. Proiektuaren jarraipena (txostena, ebaluazioa eta SGAE Fundazioaren irudi korporatiboa daraman materiala eta azken memoria).

Elkarte edo federazio batek deialdi honetan hainbat proiekturako diru-laguntzak jasotzekotan, hitzarmen bakarra sinatuko litzateke, eta horrek honako hau erregulatuko du: SGAE Fundazioaren eta elkarte edo federazioaren arteko harremanak aukeratutako proiektuen garapenerako.

#### **Bederatzigarrena: norberaren datuak isilpean gorde eta babestu beharra**

Proiektua kudeatzeko orduan alderdiek ematen dituzten datu pertsonal guztiak isilpekoak izango direnez, ezin izango zaizkie hirugarrenei jakinarazi, eta zehaztutako helburuetarako baino ez dira erabiliko, indarreko legerian adierazitako salbuespenetan izan ezik.

Eskatzaileak borondatez emandako datu pertsonalak SGAE Fundazioaren ardurapeko fitxategi batean gordeko dira, eta hori Datuak Babesteko Espainiako Bulegoaren (DBEB) Datuak Babesteko Erregistro Nagusiari jakinaraziko zaio. Norberaren Datuak Babesteko Oinarrizko Eskubidearen titularrak datuok eskuratzeko, zuzentzeko, ezeztatzeko eta aurka egiteko eskubideak erabili ahal izango ditu. Datu horiek erabili nahi izanez gero, honako helbide honetara bidali beharko du idazkia: SGAE Fundazioa, zuzendari nagusiaren izenean, Bárbara de Braganza kalea 7, 28004 Madril. SGAE Fundazioak jakintzat emango du interesdunak emandako datuak egiazkoak direla eta gaur egungo egoeraren araberakoak direla. Interesdunak datu horien aldaketaren berri eman beharko du halakorik gertatzen denean.

#### **Hamargarrena: arau orokorrak**

1. Eskatzaileak SGAE Fundazioaren logoa sartuko du proiektuaren sustapenean, hau da, publizitatean, karteletan, katalogoetan, liburuxketan eta antzeko beste batzuetan.
2. Eskatzaileak eskabidea aurkezten duenean, agiri honetan zehaztutako oinarriak zein aldintzak onartuko ditu isilbidez. Era berean, behar besteko baimena ere emango dio SGAE Fundazioari, haren memorietan eta gainerako argitalpenetan esleitutako laguntzari buruzko informazioa zabaldu dezan.
3. Eskatzaileak ez dio SGAE Fundazioari inolako erantzukizunik egotziko, proiektua egiteko eta garatzeko orduan indarreko legeria edonola urratzen duenean.
4. Kontratu honen arabera, SGAE Fundazioak ez du esleitutako laguntza ez beste erantzukizun zuzenik eta subsidiariorik bere gain hartuko, proiektua egiteko eta garatzeko orduan.
5. Agiri honetan ezarri beharreko legeria Espainiakoa izango da, eta alderdiek berariaz men egingo diote Madrilgo hiriburuko auzitegietako jurisdikzioari. Beraz, dagokien foruari egingo diote uko.

Informazio gehiago: [informacion@fundacionsgae.org](mailto:informacion@fundacionsgae.org)